

আগ্রহিক বাংলাদেশ

মঙ্গলবার ■ ১ কার্তিক ১৪২৫ ■ ৫ সফর ১৪৪০ হিজরি ■ ১৬ অক্টোবর ২০১৮



জ্বালানি গবেষণার জন্য ইউআইইউকে চার কোটি টাকার অনুদান

‘ডিমাল্ড রিসপন্স এনাবলড স্মার্ট গ্রিড’ শীর্ষক গবেষণার জন্য প্রায় চার কোটি (৩, ৯৭, ৮৮, ৬০০) টাকার গবেষণা অনুদান পেয়েছে ইউনাইটেড ইন্টারন্যাশনাল ইউনিভার্সিটির জ্বালানি গবেষণা কেন্দ্র। কেন্দ্রের পরিচালক এবং গবেষণা প্রকল্পের টিম লিডার ও প্রধান গবেষক শাহরিয়ার আহমেদ চৌধুরীর কাছে অনুদান হস্তান্তর করেন জ্বালানি ও বিদ্যুৎ গবেষণা কেন্দ্রের চেয়ারম্যান শাহিন আহমেদ। সম্প্রতি রাজধানীর বিদ্যুৎ ভবনের বিজয় হলে গবেষণা অনুদান চুক্তি স্বাক্ষর অনুষ্ঠিত হয়। অনুষ্ঠানে উপস্থিত ছিলেন বিদ্যুৎ জ্বালানি ও খনিজ সম্পদ মন্ত্রণালয়ের প্রতিমন্ত্রী নসরুল হামিদ, বিদ্যুৎ বিভাগের সচিব ড. আহমেদ কায়কাউস, বিদ্যুৎ উন্নয়ন বোর্ডের চেয়ারম্যান খালেদ মাহমুদ এবং ইউনাইটেড ইন্টারন্যাশনাল ইউনিভার্সিটির উপাচার্য অধ্যাপক ড. চৌধুরী মোফিজুর রহমানসহ বিদ্যুৎ মন্ত্রণালয়ের অধীনস্থ বিভিন্ন সংস্থার নির্বাহী প্রধানরা। সহবাদ বিজ্ঞপ্তি